

Նախագծային աշխատանք

Աջափնյակ համայնքում բնակչության խտության հաշվումը Մարգարյան 2-րդ նրբանցք 3-րդ շենք և Մազմանյան 14 շենքերում:

Հաշվետվություն

Նախագծին մասնակցում են 7-րդ «Բ» դասարանի աշակերտները: Պատասխանատու դերում հանդես են գալիս աշակերտներ Արեն Գափոյանը և Արթուր Հարությունյանը: Սովորողների միջոցով ուսումնասիրվել է նշված շենքերի բնակչության թիվը ըստ զբաղեցրած մակերեսի:

Աշխատանքային օրերը եղել են հազեցած և հետաքրքիր: Ուսուցչուհու ուղղորդմամբ ուսումնասիրել են Մարգարյան 2-րդ նրբանցք 3-րդ և Մազմանյան 14-րդ շենքերը: Կիրառելով մաթեմատիկական հմտությունները հաշվարկվել է 1,2,3,4 սենյականոց բնակարանների զբաղեցրած մակերեսները, բնակվող, բնակիչների տղամարդ, կին երեխա քանակը: Աշխատանքը կատարելիս օգտվել են տան սեփականության հատակագծերից, ինչը զարգացրել է նրանց գծագրի միջոցով հաշվարկներ կատարելու հմտությունը: Տեղեկատվական փոքրիկ տեսաֆիլմերի նկարահանումը նպաստել է մեդիասարքերի նպատակային գործածման հմտության զարգացմանը: Աշխատելիս որոշակի օգնություն են ստացել շենքերի սոցիալական աշխատողներից՝ զարգացնելով շփման և կառուցողական հաղորդակցման հմտությունները:

Նախագծի շուրջ հետաքրքրության առաջացումից և դերային բաշխումից հետո տրվեց նախագծի ընթացքի մեկնարկը: Նախագծի ուսումնասիրման ընթացքը սկսվել է այսպես. յուրաքանչյուր աշակերտ, իր ընկերներից որևէ մեկի հետ այցելել են նշված շենքերի բնակարարները, գրանցել են S մակերեսի և բնակիչների **n** թվի քանակը, հետո հաշվել են բնակչության խտությունը: Կազմել են համապատասխան հիստոգրամներ, պաստառներ: Պատրաստել են թեմայի ներկայացման սահիկահանդես:

Նախագծի նպատակը` Հաշվել նշված շենքերում բնակիչների խտությունը: Սովորողների մոտ առաջացնել ստեղծագործական կարողություն և տրամաբանական մտածողության զարգացում:

Արժեհամակարգ` Մեծացնել սերը մաթեմատիկայի նկատմամբ, արժեվորել նրա դերը առօրյա կյանքում:

Հմտություն՝ Սովորողների մեջ սերմանել թիմային և ինքնուրույն աշխատանքի հմտություն:

Կարողություն՝ Սովորողների կողմից տվյալների հավաքագրման հաշվառում, համապատասխան հիստոգրամի կառուցում:

Նախագծային խնդիրները

Իմանալ մաթեմատիկայի դերի կարևորությունը ամենօրյա կյանքում, կապը տարբեր բնագավառների հետ:

Նախագծային աշխատանքի փուլերը

1-Սովորողների միջև կատարվել է աշխատանքի բաժանում , նախագծի ղեկավարի ուղղորդմամբ գրանցվել են արդյունքին համապատասխան պահանջները

2- Տարբեր սենյակների մակերեսների և բնակչության քանակի մասին հավաքագրված տվյալները վերադասավորել է, խմբավորվել է ըստ նշագրման. շենքում 1 սենյականոց (2,3,4) քանի բնակարան կա ,ինչպես նաև քանի բնակիչ կա յուրաքանչյուր բնակարանում, նաև քանի տղամարդ, կին , երեխա կա: Կազմվել է հիստոգրամներ :

3-Կատարվել է աշխատանքի վերանայում ,ճշտվել են թերությունները,քննարկվել են այլ առաջարկներ (օրինակ՝ հաշվել հարևան շենքում ապրող Արցախից բռնի տեղահանվածների,ինչպես նաև ազգությամբ հնդիկ բնակչության խտության թիվը):

Կատարվել են տեսանկարահանումներ ուսումնասիրվող շենքերում,բակում: Սովորողների կողմից պատրաստվել են զեկույցին ուղեկցող փոքրիկ տեսաֆիլմ, սահիկահանդես և պաստառ: Նախագծի իրագործման ընթացքում սովորողները հանդիպել են նաև դժվարությունների,ինչպիսիք են բնակիչների կողմից իրենց բնակարանի չափումների մերժումը, չբնակեցված բնակարանների փակ դռները: Նման խնդիրները սովորողներն ինքնուրույն արդյունավետ հաղթահարել են՝ դիմելով շենքերը սպասարկող սոցիալական ծառայողներին և ստանալով անհրաժեշտ

տվյալները: Բանակցելու, կառուցողական շփում ձևավորելու կարողությունը նրանք շարունակաբար զարգացնելով կկիրառեն կյանքում:

Եզրակացության - Նախագծի գաղափարը շատ լավ խթան է ուսումնառության համար: Այն առաջացրեց հետաքրքրության լայն օղակ և հնարավորություն տվեց դիտարկել նմանատիպ խնդիրներ:

Օրինակ՝ Երևան քաղաքում օրական քանի տոննա հաց է սպառվում:

Կամ Հայաստանի տարբեր շրջաններում ինչպիսին է ցորենի, կարտոֆիլի բերքատվությունը:

Նման հարցերի լուծման վերաբերյալ տեղեկատվությունը տալիս է վիճակագրության և հավանականության բաժինը:

Գնահատում – Համապատասխան ռուբրիկով սովորողները գնահատվել են նախագծի իրականացման ողջ ընթացքում՝ պլանավորումից մինչև պաշտպանություն: Հանրագումարում Արեն Գափոյանը և Արթուր Հարությունյանը վաստակել են առավելագույն 10 միավոր:

Նախագծի ղեկավար՝



Ա.Անդրեասյան

ԱՐՁԱՆԱԳՐՈՒԹՅՈՒՆ

«Աջափնյակ համայնքում բնակչության խտության հաշվումը» նախագծային աշխատանքի ընդունման հանձնաժողով
Համաձայն ուսումնական հաստատության տնօրեն Գ. Մելիք-Ստեփանյանի 16 փետրվար 2024թ. հ. 84-Լ հրամանի սովորողների կողմից իրականացվող աշխատանքի ընդունման հանձնաժողովի

ՈՐՈՇՈՒՄ

Սովորող	դասարան	Գնահատական /ՄԳ/
Արեն Գափոյան	7«Բ»	10
Արթուր Հարությունյան	7«Բ»	10

Հանձնաժողովի նախագահ՝
Անդամներ՝
Ուս. աշխ. գծով տնօրենի տեղակալ՝
Ուսուցիչ՝



Գ. Մելիք-Ստեփանյան

Գ. Մադաթյան

Ա. Անդրեասյան

23.02.2024թ.